


De Plattdüütschen vundaag

PLATT? PLATTDÜÜTSCH?

„KENN ICH DOCH ... ODER?“

Noorddütschland.
Je duller infaart de
Region, so veel grötter
is dor de Andeel vun de
Plattdüütschen.




Nedderdüütsch, ok Neddersass'sch or mehrsttiets Plattdüütsch nöömt, is en egen un wohrt Regionaal-spraak in Noorddütschland un in'n Oosten vun de Nedderlannen. Mag ween, dat de mehrsten Düütschen sachts denkt, Platt or de Plattdüütschen giff dat alleen in'n hogen Noorden, man fröher dee dat Rebeet vun de Sprekergrupp sogar bet na Magdeborg un Essen hen recken. Dat weer üm un bi mit den nöördlichen Drüttel vun Düütschland övereen, in'n Noorden vun de so nöömte „Benrather Linie“.

Vundaag is Noorddütschland, dat heet de fief Länner, welk an't Water liggt, de Region, in wat de grote Mehrheit vun de Plattdüütschen leevt, also Minschen, welk de Spraak snackt un sik to ehr bekennen doot. Hier is de Spraak un ehr Bruuk ok tosamten mit de Minnerheitspraken in'n Noorden, so as Frees'sch un Däänsch, an't mehrsten wohrt un för männicheen de twete Moderspraak neven Düütsch.



So wat as 3,4 Millionen Noorddütsche snackt vundaag düsse Spraak. Dat heet, dat de Plattdüütschen knapp 1/5 vun de noorddütsche Bevölkern utmaakt.




Platt verstahn köönt hier meist föfftig Percent vun de Lüüd un de klore Klang is de mehrsten vertraut.


Een nedderdüütsch Woort, wat woll jeedeen al eenmal to hören kregen hett un wat middewiel ok buten vun Noorddütschland bannig beleeft is, is

„Moin“.

Männich Lüüd denkt, dat hett wat mit dat düütsche Woort „Morgen“ to doon, man „Moin“ kümmt vun't Adjektiv „mooi“, wat so veel as „schöön“ bedüden deit.



De Spraak is övrigens tosamten mit Engelsch, Freesch un Nedderlandsch in de Noordseegermansch Spraakfamilie verbunnen, wat sik ok hüüt noch an vele strukturelle Gemeensamkeiten wiesen deit, un männich Wöör sünd glik or höört sik glik an.



Platt warrt in de hele Sellschop snackt un dat vun bannig ünnerschedlichen Minschen. Man to hören is Platt faken op't Land un in lütte Städer, mehr as in Grootstädter, un vun Lüüd, de hier op de Welt kamen sünd un ok vun Minschen, de fröher or later mal inwannert sünd. En prominent Bispeel hierför is de bekannte Moderator Yared Dibaba. Un ok de fröhre Bundeskanzler Helmut Schmidt weer en Plattdüütschen, also ...

SNACKST DU OK PLATT? WEES NICH BANG, TRU DI WAT UN FANG AN!



Länderzentrum für Niederdeutsch gGmbH
Contrescarpe 32
28203 Bremen

Tel.: 0421 52 40 88 69
E-Mail: info@lzn-bremen.de
www.lzn-bremen.de

Recherche & Inhalt:
Studierende der
Fachhochschule Potsdam

Mit freundlicher
Unterstützung von:



Die Beauftragte der Bundesregierung
für Kultur und Medien



Hinweis: Die Quellenangaben sind auf www.lzn-bremen.de zu finden.